

PRESENTACION DI BOEKI DI MONICA KOCK

“TUMA MI MAN Y CANA CU MI”

STA. CRUZ -- Sra. Monica Kock a presenta su prome boeki cu tin e titulo “TUMA MI MAN Y CANA CU MI”. Durante di e presentacion, sra. Monica Kock ta duna di conoce na esnan presente cu e idea pa skirbi e boeki aki a nace na 2006. Na e mesun momento caba el’a dicidi riba e titulo. E contenido di e prome boeki di sra. Monica Kock, ta e deseo y soñonan cu sra. Kock ta mira pa futuro Aruba. Den e boeki bo lo tuma su man, y cana cu ne y mira door di su wowo con nos futuro pais por ta. Na 2006 a laga e idea pa e boeki aki drumi debi cu e deseonan ta algo hopi personal. E boeki a keda den su pensamiento. Sra. Monica Kock ta sigui conta cu ariba dia di Pasco 2007, ora cu el’a ricibi un boeki como regalo cu tabata trata di Madre Teresa, sra. Kock a realiza cu e momento a yega pa skirbi su boeki. Motibo di esaki ta, cu ora el’a habri e boeki cu e la ricibi como regalo, el’a mira den e index un capitulo cu ta trata cu casi mesun cos cu e titulo cu el’a pensa ariba dje. Asina a marca e comienzo cu sra. Kock a cuminsa skirbi su boeki “TUMA MI MAN Y CANA CU MI”. Sra. Kock ta duna di conoce, cu pe e boeki ta hopi personal. E boeki ta conta ken e ta y con e ta pensa. Kico su pasion y su

fe ta significa pe. Mas ainda e ta comparti su soñonan pa Aruba. Locual sra. Kock ta haya mas personal ta e capitulo titular “Un Mensahe,” cu ta algo cu el’a pasa den cu masha tiki hende sa di dje. E boeki ta consisti di 9 capitulo y 9 articulo. Un di e articulonun nunca el’a publica. Tambe tin poesia den dje. E ta un boeki hopi varia, cu potret y un kaarchi na unda bo tambe por conta bo deseo. Un boeki honesto y cu lo inspirabo cu cambio ta posibel. “TUMA MI MAN Y CANA CU MI” ta un boeki cu un mensahe positivo. Den e boeki aki bo lo cera conoci cu sra. Monica Kock. Abiertamente e ta conta di su bida personal, su pasion, su vision, su fe y su lucha. Haya sa di e espiritu di un Arubiano cu kier mas pa su pais. Cu “TUMA MI MAN Y CANA CU MI” tambe lo bo haya e oportunidad pa mira door di e wowo di sra. Monica Kock con nos futuro pais lo por ta. Un buki cu lo inspira y muestra cu cambio ta posibel. Un obra di inspiracion pa un y tur. Manera Monica ta bisa den su boeki: “Si bo kere den bo soñonan, nan ta bira realidad.” E boeki ta obtenibel den tur bookstore, na diferente botica, oficina abogado Arends-Kock y den futuro na diferente supermercado. Tambe por order un boeki via e-mail

bukidimonica@arendskock.com. Pabien Monica Kock cu un logro asina bunita y cu sigur lo ta un inspiracion pa hopi hende na Aruba. Union di nos pueblo ta un di e deseonan di Monica nos y nan ta un poema den e capitulo Un Union Nobo. Den e capitulo Monica ta skirbi tocante e Union cu e ta desea pa nos pais. Sra. Monica Kock ta menciona cu nos tin un sistema den politica cu ta consisti di un NOS y un NAN. Nos ta bringa Nan y Nan ta bringa Nos. Al final ta lubidando cu Nos ta Nan y Nan ta Nos pasobra nos ta UN PUEBLO. Aruba ta nos tur cu ta biba den e pais aki. No tin mester di division di un Nos cu Nan. Sra. Monica ta splica cu Union ta un di e deseonan cu e kier realiza pa Aruba. Un pais cu un pueblo. Esaki ta algo cu Monica ta papia basta aña caba. Nos tin cu realiza cu e division di Nos cu Nan no ta logra trece Union. Mas ainda nos por ripara cu nos tin un sistema di kibra otro pa halsa bo mes. Den e capitulo di un Union Nobo, Monica ta refleha riba esaki y ta trece dilanti cu ta tempo pa nos Uni, pa nos por trece cambio na nos pais. E poema Nos y Nan ta demostra cu Nos tur ta Nos pasobra Nan tambe ta Nos. Esaki ta un di e mensahenan den e boeki di sra. Monica Kock “Tuma mi Man y Cana cu Mi.”



Skina Humoristico

